

Bagádus mánájda ja nuorajda

Europaráde strategijja mánáj rievtesvuodaj vuoksjuj

(2022-2027)



www.coe.int/children

Tsieggit Europav
mánájda ja mánáj
siegen



COUNCIL OF EUROPE



CONSEIL DE L'EUROPE



Bagádus mánájda ja nuorajda Europaráde strategijja mánáj rievtesvuodaj vuoksjuj


(2022-2027)

Dát bagádus la mánájda ja nuorajda gaskal 12 ja 17 jage, tjielggitjit oajvveulmiijt Europaráde ájggomusájn mánáj ja nuoraj rievtesvuodaj vuoksjuj (2022-2027). Jus ájgo dokumentav ábbálettjat láhkát, de máhtá diebttjit [dási](#).



Bagádusán li muhtem oajvvadásá majt máná ja nuorra ietja li buktám. Jus ájgo ienebuv dan birra láhkát de máhtá láhkát dáv [diedádusáv mánájrádudallama birra gáktu hábbmit strategijjav mánáj rievtesvuodaj vuoksjuj](#).





***Mij le
Europaråde?***

COUNCIL OF EUROPE



CONSEIL DE L'EUROPE

Organisasjåvnnå 46 rijkaj Europan,
nammaduvvam sebrulasrijkkan,
oajvvekontåvråjn Strasbourgan
Frankrijkkan.

Organisasjåvnnå vuododuváj ulmijn
sihkarasstet sebrulasriikka suoddjiji
almasrievtesvuodaj ja mánáj
rievtesvuodajt. Ulmme I doarjjot
mánájt ja nuorajt, degu dån, ja vaddet
vejulasjvuodav åbbålattjat åvddånit,
ja hieredit vahágahttemav.

Europaråde

Strasbourg


Dán kártan vuojná 46 sebrulasjrikkajt:

Albádna	Liechtenstájnna
Andárrá	Litávva
Armiedna	Luxemburgga
Lullerijikka	Mállta
Azerbajádna	Moldávvá
Bælgga	Monáhkkko
Bássná ja Herzegovijnna	Montenegro
Bulgárra	Nederlánnda
Kroáhtsa	Nuortta
Cyprávssá	Makedávvnná
Tjæhkka	Vuodna
Danmárkko	Polska
Estlánnda	Portugálla
Suobma	Románijja
Frankrijikka	San Marijnno
Geárggá	Særbba
Dujsska (Tysklánnda)	Slováhka
Greklánnda	Sloviedna
Ungárra	Spánsska
Islánnda	Svæjttsa
Irlánnda	Durkki
Itálla	Ukrájnna
Láttva	Stuorbritánijja

Guoradalá mijá
interaktijvva
kártav [dánna!](#)



**Makkár sisadno I mánáj
rievtesvuodajn?**



Mánáj rievtesvuoda

loahpádusá li majt
ráddidusá li dahkam
vaj máná ja nuora
vuollet 18 jage bassi
buorre iellemav viessot,
ja suoddjitjit sijáv
vádájs.



[Pássa div rievtesvuodajda](#)



[Mujna li rievtesvuoda,
dujna li rievtesvuoda,
ja sujna li rievtesvuoda
... Oahpestibme mánáj
rievtesvuodajda](#)

**Gehtja
dájit!**



Makkár strategija li mánáj rievtesvuodaj vuoksjuj ja gáktu dagáduvvin?

Strategija li doajmmaáiggomusá guhkesáiggásasj ulmijn.

Europaráde strategija mánáj rievtesvuodaj vuoksjuj la boados guhka barggopros

Bargguj sæbrin:

Sebrulasrikkaj ráddidusá

Ámmátulmutja gájkka Europaráde sebrulasrikkaj sæbrin gudi iesjgenge departementav ávdástin. Dá lidjin ávdástiddje gudi dahki lágajt ja dájmajt ulmijn suoddjitit mánájt, jali gudi barggi ássij ma li ájnasa mánájda ja sijá rievtesvuodaj gáktuj.



Rijkajgasskasasj organisasjavná

Institusjavná ásaduvvam oajválattjajs aktisasj bargguj væráldadilev mánájda ja állessjattugijda buoredittjat. Buojkulvissan gulluji ienemus værálda rijkaj Aktidum Nasjavnájda ja 27 rijkaj Europan li oassen Europa Unijavnás.

Iesjmiellusasj organisasjavná

Juohkusa jali siebre ma li vuododuvvam viehkeditjat mánájt ja iehtjádijt, ulmijn buojkulvissan vuosteldit hæjosvuodav jali dálkádakrievddamijt. Dá organisasjavná li ienngilsgiellaj gáhtjuduvvam “NGO” (non-governmental organisations), ja merkaj dá li organisasjavná ma ælla stáhtalattja.

Máná, ja sierraláhkáj 220 máná miehtáj Europa

Gájkka ulmutja vuollel 18 jage.

Manen dárba hip Europaráde strategijjav mánáj rievtesvuodajda?

Europaráde ja sebrulasjrikkaj ráddidusá dárba hi aktisasj dádjadusáv ja mihtoijt gá Barggi állidittjat mánáj rievtesvuodajt Europan. Ádå strategijja bagádallá **ráddidusájt ja sijá barggoguojmijt** gáktu boahhte guhtta jage mánáj rievtesvuodaj barggat (2022-2027).

Gáktu Europaráde barggá aktisattjat ráddidusáj?

Aktisasj barggo **Europaráden** tjadáduvvá duola degu náv:

- ★ Guorrasit aktisasj mærrádusájt ráddidusájda gáktu buoremus láhkáj suoddjit mánáj rievtesvuodajt.
- ★ Diedoijt juohket ja oahppat nubbe nuppes.
- ★ Áhpadit fáhkaulmutijit gudi mánáj barggi.
- ★ Lasedit diedulasjvuodav mánáj hásstalusáj birra, sijá rievtesvuodaj birra ja man ájnas la jut mánánessi oassálasstet.

STRATEGIJJAN LI 6 ULME:

1

Suoddjit gájkka mánájt vahágahttemis



2

Bærrájpgæhttjat vaj gájkka mánájn li sæmme máhttelisvuoda, ja jut sebrudahteduvvi sebrudahkaj



3

Doarjjot mánájt teknologijjav anátjit, ja teknologijjav oaggásvuodajn adnet



4

Hiebadit vuohkasap riektágiehtadallamav mánájda



5

Juohkka mánnáj jienav vaddet



6

Doarjjot mánájt hiehte-ja niedadilijn





Bargadahttijn dáj gudá ulmijn, ájggop mij Europaráden dárkestit:



Vieledit sjiervveássijt, vuojnnet
iesjengga dárbojt sjierve gáktuj
ja buktet ávddán sierralágásj
oajvvadásájt dāmadibmáj jus
dasi le dárbbō.

Buojkulvis: báhtja
ja næjtso e soajte
gillat sæmmi lágásj
vahágahttemijn, ja soajttá
dárbbō | sierralágásj
suodjalibmáj.




Ájádallat gáktu hieredit jali duostudit
nuppástimev, mij la rievtesferdugahtes
vuohe ulmutjijt duostot, ja
gáktu viehkedit mánájt ja nuorajt
hásstaliddje diliijn vaj avtaárvvusattjat
giehtadaláduvvi ja vaj siján li sæmmi
máhttelisvuoda.

Buojkulvis: Buojkulvis: Nágin
máná hásstaliddje dilen dárba
duoddedárjav skávllávádtsemij,
bujkulvissan dárba doarijagav
skávllágirijida, biebbmuj,
internæhttaj jali
bussabilehtajda.



Vaddet máhttelisvuodav mánáida ja
nuorajda ietjasa vuojnojt ávddán buktet,
siján gulldalit, ja jut bessi vájkkudit
mærrádušajda ma sidjij guoski.

Buojkulvis: Europaráde
ævtot ráddidusá gáhttju
mánájt juokkirak ásadussaj
jali siján guládalli ádå lágaj
jali dájmaj birra gå li ássje
ma mánáida guoski.





ULMME #1

Suoddjit gájkka mánájt vahágahttemis

► Manen mij Europaráden måråstip dássta?

Danen gá vahágahttem mánáj vuosstij dáhpáduvvá vájku gánná, degu sijdajn, skávlájn, valástallamiijn ja diehttelisát nehta baktu, **ja máhtta vájkkudit mánáj bæjválasj dilláj ja oaggásvuohtaj.**

Moattelágásj vahágahttema gávnnuji:

- * **Fysalattjat:** gá nágin duv rubmahav báktji, buojkulvissan tsábbmá jali givset duv, gá máná vájvedi nubbe nuppev jali jus li bahá nubbáj, ja jus moaddi dáhpáduvvá.
- * **Psykalattjat:** gá nágin ruodjá dunji, nihtot duv jali gællásijt duv birra subtsas.
- * **Dåbdo:** Gá nágin máná dåbdojt aktelattjat báktji.
- * **Badjelgæhttjam jali dierredibme:** gá nágin állessjattuk gut galggá duv bærráigæhttjat ij válde várav dujsta jali l bahá dujna.

* **Seksualalattjat:** gá nágin duohtta priváhta ásijt duv rubmahis, subtsas jali vuoset dunji juojddá mij guoská seksualitiehttaj navti vaj báktjana, ballá jali måråsta.

► Maid mii de dahkat?

Majt mij de dahkap?

- * Viehkedit vaj sijá nasjonalalásj pládna hieret vahágahttemav mánáj vuosstij. Máná galggi sæbrrat barggij.
- * Diedulasjvuodav buoredit vahágahttema gáktuj, ja jut vahágahttem mánáj vuosstij viertti ganugahteduvvat ja gáktu dajna ássijjn barggat.
- * Buorggot rubbmelasj stráffumav (mánájt stráffut rubbmelasj fámujn váj báktjani, unugisvuodav ja vuollegisvuodav dåbdi) juohkka sajen, sihke skávlájn ja sijdajn.
- * Vuostedit seksualalásj illastimev mánáj vuosstij ja tjuovvot majt ráddidusá dahki vaj mánájt suodjaluvvi, aj gá nehtav adni.



[Kiko ja suv giehta](#)

[Le gus dát seksualalásj illastibme?](#)

[Subtsasta muhtemij gesi áskelda](#)



ULMME #2

Bærrálgæhttjat gájkka mánájn li sæmmi máhttelisvuoda, ja jut sebrudahteduvvi sebrudahkaj

► Manen mij Europaráden måråstip dássta?

Danen gå li máná ja familja gudi **hæjosvuodan** viessu ja gássjelis le skávláv vádtset, sijdav gávnnat, sujtov oadtjot skihppijvieson, jali sosiála dårjav oadtjot.

Máhtta vil liehket gássjelabbo gå li **økonomijjalasj hiehtedile, dávda (degu Covid-19), migrasjåvnå, doaro** jali birásbiejstema jali **dálkádakrievddama**.

Máná aj vásemi **psykalasj gássjelisvuoda** værráni degu Covid-19 diehti, migrasjåvnå diehti ja doaro diehti.

► Majt mij de dahkap?

De ájggop viehkedit ráddidusájt:

- * Duodastit mánáj sosiála rievtesvuodajt (degu bessat dáktåra lusi, viehkev oadtjot jus æjgáda li bargo dagi jali hæjo...), ganugahttet nuppástimev, fállat psykalasj viehkev, fállat mánájda skávláv ja barggat vaj joarkki skávllávádtsemiijn.
- * Vuostedit hæjosvuodav, hieredit mánájt ålgoduvvat sebrudagás ja jut institusjåvnå barggi hæjosvuoda- ja sosiála gássjelisvuodahieredimij.
- * Suodjalit mánájt gássjelis vidjuriijn, buojkulvissan sijáv gudi årru institusjåvnåjn, báhtariddij jali sirdulattjaj mánájt, doajmmahiereduvvam mánájt, roma- ja manádiddij mánájt, LGBTI mánájt ja sijá familjajt, mánájt gudi li gárevselgajda báddnum ja mánájt æjgádij gudi narkotihkáj li báddnum.



[Máná ja nuora gudi li suodjalusån. Dábddit ietjada riektájt!](#)



[Mánájda DOSTA! Kampánnja.](#)





ULMME #3

Doarjjot mánájt teknologijjav anátjit, ja teknologijjav oaggásvuodajn adnet

► Manen mij Europaráden måråstip dássta?

Manen mij Europaráden måråstip dássta?

Danen gá **digitála teknologijja** l mijá birra juohkka sajen, valla ij la agev hábbmidum nav vaj mánáj riektá li vieleduvvam. Gássjelisvuhtan le aj gá soabmása mánájs e besa **állásit teknologijjav adnet**, ja gá digitála áhpadibme skávlájn ij la nav gáktu viertti liehket.

Duodden li **ássje nehtan ma mánájt máhtti balldet, måråstahttet ja vájkkudit sijá dábdojt nievrep láhkáj,**



[Kiko ja moaddása](#)



[Áhpa ietjat rievtesvuodaj birra digitála ræjdoj baktu](#)

dagu vastes gávva jali video majt máná e galga gæhhtjat, givsedibme ja tseladibme nehta baktu (gá nágin vasijjn hoallá avta juohkusa birra), priváhtaiellema vahágahttem ja seksualalassj illastibme nehtan.

► Majt dahkap de?

De ájggop viehkedit ráddidusájt:

- * Gájka mánájda vaddet máhttelisvuodav teknologijjav ávkástallat.
- * Ásedit oaggás næhhtasajijt gánná máná gávnni diedojt ja máhtti ietjasa vuojnojt subtsastit.
- * Buoreddit skávláj áhpadimev teknologijja birra.
- * Áhpadit áhpadiddijjt, diededit æjgádiida ja sebrudahttet mánájt ássijida ma teknologijjav guoski.
- * Vuorodit diededimev politijjav jus máná li vásedam seksualalassj illastimev nehta baktu, ja bærráj gæhhtjat váj átsáduvvi, ja ulmutja gudi mánájt vahágahtti stráffuduvvi ja vuorodit mánájda viehkev gudi li illastimev vásedam.
- * Oahppat ja tjoahkket diedojt ádá gássjelisvuodaj birra ma vájkkudi mánáj rijbadimev, degu vájkkudibme nehta baktu ja dahkojiermme (mij háddidallá majt ulmusj en).





ULMME #4

Hiebadit vuohkasap rievtesvuodaj giehtadallamav mánájda

► Manen mij Europaráden måråstip dássta?

Gå máná ja nuora máhtti vásedit **rievtesvuodavuogádagáv** moatte láhkáj, buojkulvissan jus sij sjaddi vierradago **gillajiddje**, jali jus li vuojnám vierredagov dáhpáduvvamin (**vihtanin** vierredahkuj).

Máhtta aj dáhpáduvvat jut **máná jali nuorra sivádahteduvvá láhkavierredagojs**. Soajtti aj sjaddat oassen rivtesvuodavuogádagás jus riektá galggá dahkat juokkirak mærrádusáv sijá oahpo birra, jali mærrádusájt mij gullu ássijda jus mánáj **æjgáda galggaba sirádit**. Mánájn ja nuorajn soajttá aj liehket gássjelisvuhta rievtagisvuodav dábddát, jus ij agev tjielggiduvá



[Duv rievtesvuoda álldara gáktuj](#)
[Árvustallamvuoge](#)



mij dáhpáduvvá rievtesvuodavuogádagán jali makkir riektá ja roalla siján dan dilen li.

► Majt dahkap de?

Ájggop ráddidusájt viehkedit dárkestit jut máná bessi sæbrrat riektásystiebmaj ja jut siján la advokáhtta sijá ávdástiddjen. Ájnas le aj máná ja nuora bessi sæbrrat riektán nav váj sij oadtju diedojt ietjasa rievtesvuodaj ja roalla birra, ja ietja oadtju fáhkaulmutijida ietjas bielev ávddán buktet.

Mijá barggo galggá aj gábtjtát:

- * Mánáj ja vihtanij dárbo.
- * Mij le buoremus mánájda ja nuorajda gá sijá æjgáda sirádi jali jus mierreduvvá sij galggi huksoinstitusjávnnáj.
- * Ma li máhttelis dájma mánájda ja nuorajda gudi li lágav mæddum.
- * Gáktu hiebadit dájmajt buorebut mánájda ja nuorajda gá hæhttuji báhtarit sijdariikas hæjosvuoda diehti, doaro diehti jali jus balli oaggásvuoda gáktuj, aktu jali æjgádij siegen.
- * Institusjávnnájt bærrájgæhtttat gánná máná ja nuora li friddjavuodav massám, degu politijastasjávnnájn ja giddagisájn.
- * Doarjot mánájt ja nuorajt aktijvuodav válldet Europalásj almasjrievtesvuodaduobbmostávlájn, mij la rijkajgasskasasj duobbmostávllá, mij gátset sebrulasjriikaj oajválattja tjuovvu almasjrievtesvuodaloahpádusájt.



ULMME #5

Juohkka mánnáj jienav vaddet

► Manen mij Europaráden mårástip dássta?

Gå máná ájn dárbahti sajev ja almma máhttelisvuodav **ietjas vuojnojt subtsastit** ja dárkestit jut állessjattuga **guldali sijáv**, danen gå la ájnas jut állessjattuga gudi giehtadalli ássijit ma mánájda guoski duodas guldali ja duodas válldi mánáj vuojnojt.



► Majt ájggop dahkat?

Ájggop:

- * Måvtástuhttet mánájt gávnnat jasskis, árvvogis ja jiermmás vuogijt sebratjit. Jus galggap dav ulmev jáksát, de ájggop dahkat njuolgasusájt nav vaj dárkestip állessjattuga mánájt guldali, ja áhpadit fáhkaulmutijit gudi mánáj barggi.
- * Viehkedit ráddidusájt dahkat nasjonalalásj ájggomusájt ulmij ja dájmaj ma mánájda bukti oassálasstemav, ja jut li máhttelisvuoda ájggomusájt rievddat jus állessjattuga e guldala majt máná javlli.
- * Ávddánahttet mánáj oassálasstemav skávlájn, teknologijja baktu, ja aj demokratiijaj ja politihkalattjat, buojkulvissan ævtodit jienastusálldarav vuoledit.
- * Joarkket mánájt sebrudahttet Europaráde bargguy gå li ássje ma sidjij guoski, guldalit sijáv ja sidjij subtsastit gáktu árvustallap sijá vuojnojt. Galggap áhtsát máhttelisvuodajt guládalátjit njuolgga mánáj, ja berustit manáj dájmajt ma mánájs li ásaduvvam.



[Dibde jienav gullut](#)



[Skávllåfabrihkka](#)



[Rievtesvuolta gullut: mánáj oassálasstem, vuodon demokrátalasj sebrudagájda](#)



[Rievtesvuoda ájkajda](#)





ULMME #6

Doarjjot mánájt hiehte- ja niedadiliijn

► Manen mij Europaráden måråstip dássta?

Gå juoga **sierra dáhpáduvvá**, degu Covid-19-dávdda, doarro jali dáhpáduvá dálkádakrievddamij diehti, de mánájn li **unnemus suodjalus**. Hiehte- ja niedadiliijn li **Gájkka mánájt rievtesvuoda rasjes dilen**. Dákkár diliijn rievtesvuoda álu gártjeduvvi, degu rievtesvuoha áhpadussaj, árrat familja siegen, varresvuodavæhkkáj ja sosiáladievnastusájda, ja rievtesvuoha buorre birrasij.



Máhtta aj dáhpáduvvat jut máná aktu jali familja siegen bággiduvvi **guodet sijddasisá** ja jáhtet oaggás bájjkáj jali riikkaj.

► Majt de dahkap?

De ájggop viehkedit ráddidusájt:

- * Suodjalit mánájt økonomiijalasj ja álmukvarresvuoda hiehtediliijn, doaron ja sirdulasj dilen.
- * Bærráj gæhttjat váj mánájt rievtesvuoda jasskis, rájnná ja varres birrasij vuoroduvvi, ja jut sij oahpov oadtju gáktu luondov sujttit.
- * Viehkedit mánájt vuojnnet rievtesferdukvuodav jus li niedan jali vaháguvvam birásvahágahttema diehti.
- * Buorebut gárvedit boahhteáiggásasj hiehte- ja niedadiliijda ja viehkedit ráddidusájt dahkat nannusap mánájsuodjalusájt ma riibadij sierralágásj dáhpáduváj.

Gehtja dájt!



[Áldarårvustallam mánájs gudi sirdulattja li](#)



MAJT DÁLLA?


Boahtte jagijt de áiggop barggat ienep aktisattjat sihke aktisasj barggorádnaj ja sebrulasjriikaj oajválattjaj, riikajgasskasasj organisasjåvnåj, iesjmiellusasj organisasjåvnåj ja duodden ájn vidnudagáj, vaj mijá áiggomus álliduvvá. Mij joarkkep mánájt sebrudahttet mijá bargguy vaj buorebut sijá sávdusájt ja dárbojt dádjadip.

Duolla dálla áiggop ganugasstet ja átsádallat majt lip ávdedam ja majt hæhttup ietjáláhkáj barggat.

Miejnnip juohkkahattjajn le ávdåsvåsståduš ja jut gájkaajn le juokkirak roalla ja oasse dárkestit vaj mánáj rievtesvuoda suodjaluvvi.

**Diehttelis
dån aj máhtá
våjkkudit!**



- * **Gávna diedoijt** ja ulmijt mánáj rievtesvuodaj gáktuj ietjat riikan jali sijddabájken ja **ságastadaj birra** rádnaj, familjajn, áhpadiddijj ja állessjattugij gejn li ávdåsvåsstådušá bájkálatattjat mierredit.
- * Máhtá adnet juohkka máhttelisvuodav sebrudahttet mánájt mærrådušájda **skåvlån** (degu oahppiiråden), **sijddaguovlon** (degu nuorajráde jali almulasj gulådallam) jali **sierralågåsaj dáhpådušájn** (degu mánáj-jali nuorajtjåhkanime).
- * Máhtá sæbrrat **åsadimijda ja dågástallamijda** mánáj rievtesvuodaj ja dåjmaaj gáktuj. Jus vuojnå mánáj rievtesvuoda duolmmiduvvi jali e vuoroduvá, de máhtá ulmuttijda moalgedit ja hasodit sijáv rievddadit ássjev buorep guovlluj. Navti sjatta dån aj **almasjrievtesvuoda ratjåstiddjen**.
- * Máhtá liehket ávddågåvvån gå **iehtjådiht doarjo**, ja jus doarjo sijáv gudi dárbahe viehkev varråsmuvvat ja jasskisvuodav dåbdåtjit.
- * Máhtá **tjuovvot mijá**  dåjmaaj ja ádåsiht strategijja gáktuj ja mánáj máhttelisvuodajt sebratjit Europarådáj. Máhtá Europaråde diedoijt mánájda ja nuorajda gávnnat **dånna**.





GEHTJASTA DÁV!

Ma li mánáj rievtesvuoda?



[Pásša duv rievtesvuodajda](#)



[Mujna li rievtesvuoda, dujna li rievtesvuoda, ja sujna li rievtesvuoda Oahpestibme mánáj rievtesvuodajda](#)



ULMME #1
Doalahit mánáid eret veahkaválddálašvuodas



[Kiko ja suv giehta](#)



[Le gus dát seksualalasi illastibme?](#)



[Subtsasta muhtemij gesi áskelda](#)



ULMME #2
Bærráigæhttjat gájkka mánájn li sæmmi máhttelisvuoda, ja jut sebrudahteduvvi sebrudahkaj.



[Máná ja nuora gudi li suodjalusán. Dáddit ietjada riektájt!](#)



[Mánájda DOSTA! Kampánnja](#)



ULMME #3
Doarjjot mánájt teknologijav ávkastallat, ja teknologijav oaggásvuodajn adnet



[Kiko ja moaddása](#)



[Áhpa ietjat rievtesvuodaj birra digitála ræjdoj baktu](#)



ULMME #4
Hiebadit riektágiehtadallamav buorebut mánájda



[Duv rievtesvuoda álldara gáktuj: Árvustallamvuoge](#)



ULMME #5
Juohkka mánnáj jienav vaddet



[Dibde jienav gullut](#)



[Skávlláfabrihkka](#)



[Rievtesvuoha gullut: mánáj oassálasstem, vuodon demokrátalasi sebrudagájda](#)



[Rievtesvuoda gájkajda](#)



ULMME #6
Doarjjot mánájt hiehte- ja niedadilijn



[Áldarárvustallam mánájn gudi li sirdulasj dilen](#)

Dán almodusán la Europaráde strategijja mánárijevtesvuodaj vuoksjuj (2022-2027) mánájda hiebaduvvam.

Edna gijtto!



Mij ájggop gijttet Zsuzsanna Rutaiav, rijkajgasskasasj konsulænnta, guhti viehkediij miiáv hiebadahhttet dáv girjátjav mánájda, ja duodden aj Defence for Children International (Italia) (Mánáj rijkajgasskasasj bælostiddje) ja ájggop gijttet 220 mánájt ja nuorajt gudi lidjin viehkken strategijjav ávddánahttet ja sierraláhkáj sijá ájrrasiijt gudi lidjin siegen dáv girjátjav gárvedime: Bárbara, Carlotta, Claudia, Eva, Francesco, Irene ja Viktoriya. Gijtto aj Andy, guhti barggá The Port Creative vidnudagán, gut le hábbmim ja tjuorggam dán almodussaj.

Dáv almodusáv máhtijma ásadit gá oattjojma sierralágásj iesjmiellusasj dárjajt moattet rijkajs gudi li sebrulattja Europaráden.

SMJ

Europaráde l organisasjávnná 46 rijkaj Europan, nammaduvvam sebrulasrijkka, oajvvekontávrájn Strasbourgan Frankrijkan. Organisasjávnná vuododuváj ulmijn sihkarasstet sebrulasrijkka suoddjiji almasrijevtesvuodaj, aktan mánáj rievtesvuodajt. Ulmmen le doarjjot mánájt ja nuorajt, ja vaddet máhttelisvuodav ábbálattjat ávddánit, ja hieredit vahágahttemav.

COUNCIL OF EUROPE



CONSEIL DE L'EUROPE